

XXIII bob. MA'MURIY HUQUQBUZARLIK TO'G'RIDAGI ISHLARNI KO'RIB CHIQUISH

303-modda. Ma'muriy huquqbuzarlik to'g'risidagi ishni ko'rib chiqishga tayyorlanish

Ma'muriy huquqbuzarlik to'g'risidagi ishni ko'rib chiqishga tayyorlash vaqtida tegishli organ (mansabdor shaxs):

1) mazkur ishni ko'rib chiqish o'zining vakolat doirasiga kirish kirmasligi;

2) ma'muriy huquqbuzarlik to'g'risidagi bayonnoma va ishga oid boshqa materiallar to'g'ri tuzilgan-tuzilmaganligi;

3) ishni ko'rib chiqishda qatnashuvchi shaxslar uni ko'rib chiqish vaqti va joyi haqida xabardor qilingan-qilinmaganligi;

4) zarur qo'shimcha materiallar so'rab olingan-olinmaganligi;

5) ma'muriy javobgarlikka tortilayotgan shaxs, jabrlanuvchi, qonuniy vakillar, advokat qilgan iltimoslar to'g'risidagi masalalarni hal etadi.

Qarang: O'zbekiston Respublikasi Oliy sudi Plenumining 2018-yil 30-noyabrdagi 35-son "Sudlar tomonidan ma'muriy huquqbuzarlik to'g'risidagi ishlarni ko'rishni tartibga soluvchi qonunlarni qo'llashning ayrim masalalari to'g'risida"gi Qarorining [3-bandi](#).

303¹-modda. Ma'muriy huquqbuzarlik to'g'risidagi ish materiallarini qaytarish

Ma'muriy ish mazkur organga (mansabdor shaxsga) taalluqli bo'lmagan (sudloviga tegishli bo'lmagan) yoki ma'muriy huquqbuzarlik to'g'risidagi ish materiallari ushbu

Kodeksning [281](#) va [282-moddalarida](#) nazarda tutilgan talablar buzilgan holda yuborilgan taqdirda, ma'muriy huquqbuzarlik to'g'risidagi ish materiallari ma'muriy huquqbuzarlik to'g'risidagi bayonnomani tuzgan organga (mansabdor shaxsga) qaytariladi.

(303¹-modda O'zbekiston Respublikasining 2018-yil 29-yanvardagi O'RQ-463-sonli [Qonuniga](#) asosan kiritilgan — Qonun hujjatlari ma'lumotlari milliy bazasi, 30.01.2018-y., 03/18/463/0634-son — 2018-yil 1-apreldan kuchga kiradi)

Qarang: O'zbekiston Respublikasi Oliy sudi Plenumining 2018-yil 30-noyabrdagi 35-son "Sudlar tomonidan ma'muriy huquqbuzarlik to'g'risidagi ishlarni ko'rishni tartibga soluvchi qonunlarni qo'llashning ayrim masalalari to'g'risida"gi Qarorining [4](#), [7-bandlari](#).

304-modda. Ma'muriy huquqbuzarlik to'g'risidagi ishni ko'rib chiqish joyi

Ma'muriy huquqbuzarlik to'g'risidagi ish shu huquqbuzarlik sodir etilgan joyda ko'rib chiqiladi.

Ushbu Kodeksning 113-moddasining [beshinchi qismida](#), [119](#), [125](#), [125¹](#), [126](#), [127](#), [128](#), [128¹](#), [128²](#), [128³](#), [128⁴](#), [128⁵](#), [128⁶](#), [129](#), [130](#), [131](#), [132](#), [133](#), [134](#), [135](#), [135¹](#), [136](#), [139](#), [140-moddalarida](#) nazarda tutilgan ma'muriy huquqbuzarliklar to'g'risidagi ishlar transport vositalari ro'yxatga olingan joyda ko'rib chiqilishi ham mumkin.

(304-moddaning ikkinchi qismi O'zbekiston Respublikasining 2011-yil 26-apreldagi O'RQ-289-sonli [Qonuni](#) tahririda — O'R QHT, 2011-y., 17-son, 168-modda)

Ushbu Kodeksning 187-moddasida nazarda tutilgan ma'muriy huquqbuzarliklar to'g'risidagi ishlar shunday huquqbuzarliklar sodir etilgan joyda yoki huquqbuzarning istiqomat joyida ko'rib chiqiladi.

Voyaga yetmaganlar ishlari bo'yicha idoralararo komissiyalar ma'muriy huquqbuzarliklar to'g'risidagi ishlarni huquqbuzarning istiqomat joyida ko'rib chiqadilar.

(304-moddaning to'rtinchi qismi O'zbekiston Respublikasining 2017-yil 14-sentabrdagi O'RQ-446-sonli Qonuni tahririda — O'R QHT, 2017-y., 37-son, 978-modda)

O'zbekiston Respublikasining qonun hujjatlarida ma'muriy huquqbuzarlik to'g'risidagi ish boshqa joyda ko'rib chiqilishi ham nazarda tutilishi mumkin.

Qarang: O'zbekiston Respublikasi Oliy sudi Plenumining 2018-yil 30-noyabrdagi 35-son "Sudlar tomonidan ma'muriy huquqbuzarlik to'g'risidagi ishlarni ko'rishni tartibga soluvchi qonunlarni qo'llashning ayrim masalalari to'g'risida"gi Qarorining 5-bandi.

305-modda. Ma'muriy huquqbuzarlik to'g'risidagi ishni ko'rib chiqish muddatlari

Ma'muriy huquqbuzarliklar to'g'risidagi ish mazkur ishni ko'rib chiqishga vakolatli organ (mansabdor shaxs) tomonidan ma'muriy huquqbuzarlik to'g'risidagi bayonnoma va ishga oid boshqa materiallar olingan kundan boshlab o'n besh kunlik muddat ichida ko'rib chiqiladi.

Ushbu Kodeksning 512, 513, 514, 515, 516, 517, 518, 519, 170, 180, 181, 183, 187, 194-moddalarida nazarda tutilgan ma'muriy

huquqbuzarliklar to'g'risidagi ishlar bir sutka mobaynida ko'rib chiqiladi, ushbu Kodeksning [47-moddasida](#), 164-moddasining [ikkinchi](#) va [uchinchi qismlarida](#), ¹⁹⁷⁵, [201](#), [202](#), [203](#), [204](#), [205-moddalarida](#) nazarda tutilgan ishlar — uch sutka ichida, ushbu Kodeksning [61-moddasida](#) nazarda tutilgan ishlar esa — besh sutka ichida ko'rib chiqiladi.

(305-moddaning ikkinchi qismi O'zbekiston Respublikasining 2020-yil 21-iyuldagi O'RQ-629-sonli [Qonuni tahririda](#) — Qonun hujjatlari ma'lumotlari milliy bazasi, 22.07.2020-y., 03/20/629/1087-son)

Ushbu Kodeksning [56](#), [57](#), [58-moddalarida](#), 61¹-moddasi [birinchi qismida](#), [94](#), ¹⁶⁵¹, ¹⁸⁴², ¹⁸⁴³, [189](#), ¹⁸⁹¹, [201](#), ²⁰²¹, [224¹-moddalarida](#), 225-moddasining [birinchi — uchinchi qismlarida](#), [239](#), [240](#), [241-moddalarida](#) nazarda tutilgan ma'muriy huquqbuzarliklar to'g'risidagi ishlar, ular chet el fuqarolari va fuqaroligi bo'lmagan shaxslar tomonidan sodir etilganda, bir sutka mobaynida ko'rib chiqiladi.

(305-moddaning uchinchi qismi O'zbekiston Respublikasining 2019-yil 5-noyabrdagi O'RQ-579-sonli [Qonuni tahririda](#) — Qonun hujjatlari ma'lumotlari milliy bazasi, 06.11.2019-y., 03/19/579/3994-son)

Ushbu Kodeks 271-moddasining [11-bandida](#) nazarda tutilgan holatlar mavjud bo'lgan taqdirda, ma'muriy huquqbuzarlik haqidagi ish ma'muriy huquqbuzarlik to'g'risidagi bayonnoma va ishning boshqa materiallari ishni ko'rib chiqishga vakolatli organ (mansabdor shaxs) tomonidan olingan kundan e'tiboran o'ttiz kunlik muddatda ko'rib chiqiladi.

(305-modda O‘zbekiston Respublikasining 2016-yil 29-dekabrdagi O‘RQ-418-sonli Qonuniga asosan to‘rtinchi qism bilan to‘ldirilgan — O‘R QHT, 2017-y., 1-son, 1-modda)

Qarang: O‘zbekiston Respublikasi Oliy sudi Plenumining 2018-yil 30-noyabrdagi 35-son “Sudlar tomonidan ma‘muriy huquqbuzarlik to‘g‘risidagi ishlarni ko‘rishni tartibga soluvchi qonunlarni qo‘llashning ayrim masalalari to‘g‘risida”gi Qarorining 6-bandi.

306-modda. Ma‘muriy huquqbuzarlik to‘g‘risidagi ishni ko‘rib chiqish tartibi

Ishni ko‘rib chiqish shu ishni ko‘ruvchi organning tarkibini e‘lon qilish yoki mansabdor shaxsni tanishtirishdan boshlanadi.

Ma‘muriy huquqbuzarlik to‘g‘risidagi ishni sudda ko‘rib chiqish chog‘ida sudning tashabbusiga yoki ishda ishtirok etuvchi shaxslarning iltimosnomasiga ko‘ra sud majlisining audio- yoki videoyozuvi amalga oshirilishi mumkin.

(306-modda O‘zbekiston Respublikasining 2019-yil 24-dekabrdagi O‘RQ-597-sonli Qonuniga asosan ikkinchi qism bilan to‘ldirilgan — Qonun hujjatlari ma‘lumotlari milliy bazasi, 25.12.2019-y., 03/19/597/4193-son)

Ishni ko‘rib chiquvchi organning majlisida raislik qiluvchi yoki ishni ko‘rib chiquvchi mansabdor shaxs qanday ish ko‘rib chiqilishi lozimligini, ma‘muriy javobgarlikka kim tortilayotganligini e‘lon qiladi, ishni ko‘rib chiqishda qatnashuvchi shaxslarga ularning huquqlari va vazifalarini tushuntiradi, ma‘muriy huquqbuzarlik to‘g‘risidagi bayonnomani o‘qib eshittiradi. Majlisda ishni ko‘rib chiqishda qatnashuvchi

shaxslarning soʻzlari eshitiladi, keltirilgan dalillar oʻrganiladi va tushgan iltimoslar hal etiladi. Ishni koʻrib chiqishda prokuror qatnashgan taqdirda uning xulosasi oʻqib eshittiriladi.

Qarang: Oʻzbekiston Respublikasi Oliy sudi Plenumining 2018-yil 30-noyabrdagi 35-son “Sudlar tomonidan maʼmuriy huquqbuzarlik toʻgʻrisidagi ishlarni koʻrishni tartibga soluvchi qonunlarni qoʻllashning ayrim masalalari toʻgʻrisida”gi Qarorining 8-bandi.

307-modda. Maʼmuriy huquqbuzarlik toʻgʻrisidagi ishni koʻrib chiqish vaqtida aniqlanishi lozim boʻlgan holatlar

Maʼmuriy huquqbuzarlik toʻgʻrisidagi ishni koʻrib chiqish vaqtida tegishli organ (mansabdor shaxs): maʼmuriy huquqbuzarlik sodir etilgan-etilmaganligini, huquqbuzarlik sodir etilgan vaqt va joyni, mazkur shaxs uni sodir etishda aybdor-aybdor emasligini, uning maʼmuriy javobgarlikka tortilish-tortilmasligini, javobgarlikni yengillashtiruvchi yoki ogʻirlashtiruvchi holatlar bor-yoʻqligini, mulkiy zarar yetkazilgan-yetkazilmaganligini, shuningdek ishni toʻgʻri hal etishda ahamiyatga molik boshqa holatlarni aniqlashi shart.

Qarang: Oʻzbekiston Respublikasi Oliy sudi Plenumining 2018-yil 30-noyabrdagi 35-son “Sudlar tomonidan maʼmuriy huquqbuzarlik toʻgʻrisidagi ishlarni koʻrishni tartibga soluvchi qonunlarni qoʻllashning ayrim masalalari toʻgʻrisida”gi Qarorining 10, 11-bandlari.

308-modda. Maʼmuriy huquqbuzarlik toʻgʻrisidagi ishni koʻrib chiqish bayonnomasi

Maʼmuriy huquqbuzarlik toʻgʻrisidagi ishni koʻrib chiqish paytida tegishli organ bayonnoma yuritadi. Unda:

- 1) majlis bo‘lgan sana va joy;
- 2) ishni ko‘rib chiquvchi organning nomi va tarkibi;
- 3) ko‘rilayotgan ishning mazmuni;
- 4) ishda qatnashuvchi shaxslarning hozir bo‘lgan-bo‘lmaganligi haqidagi ma’lumotlar;
- 5) ishni ko‘rishda qatnashuvchi shaxslarning tushuntirishlari, ularning iltimoslari va bu iltimoslarni ko‘rib chiqish natijalari;
- 6) ishni ko‘rib chiqish paytida o‘rganilgan hujjatlar va ashyoviy dalillar;
- 7) qabul qilingan qarorni o‘qib eshittirish to‘g‘risidagi ma’lumotlar va qaror ustidan shikoyat berish tartibi va muddatlari tushuntirilganligi ko‘rsatilgan bo‘ladi.

Sud majlisining audio- yoki videoyozuvi amalga oshirilgan taqdirda, sud majlisining bayonnomasiga faqat ushbu modda birinchi qismining 1 — 4, 6-bandlarida nazarda tutilgan masalalar yuzasidan yozuv kiritiladi, ishda ishtirok etuvchi shaxslar tushuntirishlarining, guvohlar ko‘rsatuvlarining, ekspertlar o‘z xulosalari yuzasidan bergan og‘zaki tushuntirishlarining, muzokaralarning hamda prokuror fikrlarining boshlangan va tugagan vaqti ko‘rsatiladi, shuningdek sud majlisini yozib olishning texnik vositalaridan foydalanilganligi to‘g‘risida belgi qo‘yiladi. Elektron yoxud boshqa audio- yoki videoyozuvlar jamlangan vositalar sud majlisi bayonnomasiga qo‘shib qo‘yiladi.

Sud majlisi videokonferensaloqa rejimida o‘tkazilgan taqdirda, sud majlisining bayonnomasida ushbu moddaning birinchi qismida nazarda tutilgan ma’lumotlardan tashqari:

sud majlisi videokonferensaloqa rejimida o'tkazilganligi to'g'risidagi;

sud majlisini videokonferensaloqa rejimida o'tkazishga ko'maklashayotgan sudning nomi haqidagi;

ishda ishtirok etuvchi shaxslar va sud majlisini videokonferensaloqa rejimida o'tkazishga ko'maklashayotgan sudga kelgan sud protsessining boshqa ishtirokchilari to'g'risidagi;

sud majlisini videokonferensaloqa rejimida o'tkazishga ko'maklashayotgan sudning va ishni ko'rib chiqayotgan sudning axborot-kommunikatsiya texnologiyalari bo'yicha xodimlari haqidagi ma'lumotlar ham ko'rsatilishi kerak.

(308-modda O'zbekiston Respublikasining 2019-yil 24-dekabrdagi O'RQ-597-sonli Qonuniga asosan ikkinchi va uchinchi qismlar bilan to'ldirilgan — Qonun hujjatlari ma'lumotlari milliy bazasi, 25.12.2019-y., 03/19/597/4193-son)

Ma'muriy javobgarlikka tortilayotgan shaxsning, jabrlanuvchining va o'zga manfaatdor shaxslarning iltimosiga binoan ma'muriy huquqbuzarlik to'g'risidagi ishning mansabdor shaxs tomonidan ko'rib chiqilishi qanday borayotganligi ushbu moddaning birinchi qismi talablariga muvofiq ravishda yuritiluvchi bayonnomada aks ettiriladi.

Ma'muriy huquqbuzarlik to'g'risidagi ishni ko'rib chiqish bayonnomasi tegishincha organ majlisidagi raislik qiluvchi va kotib tomonidan yoki ishni ko'rib chiquvchi mansabdor shaxs tomonidan imzolanadi.

308¹-modda. Huquqbuzarlikning kam ahamiyatliligi sababli huquqbuzarni ma'muriy javobgarlikdan ozod qilish to'g'risidagi yoki yengilroq ma'muriy jazo chorasini qo'llash haqidagi masalani hal etish tartibi

Agar organ (mansabdor shaxs) ma'muriy huquqbuzarlik to'g'risidagi ishni ko'rib chiqayotganda sodir etilgan ma'muriy huquqbuzarlikning kam ahamiyatliligi to'g'risida yoki ushbu Kodeksning [Maxsus qismidagi](#) moddalarning sanksiyasida nazarda tutilgan eng kam jazodan ham kamroq jazo chorasini qo'llash uchun asoslar borligi haqida xulosaga kelsa, ma'muriy huquqbuzarlik to'g'risidagi ish huquqbuzarlikning kam ahamiyatliligi sababli huquqbuzarni ma'muriy javobgarlikdan ozod qilish to'g'risidagi yoki yengilroq ma'muriy jazo chorasini qo'llash haqidagi taqdimnoma bilan sudga yuboriladi.

Huquqbuzarlikning kam ahamiyatliligi sababli huquqbuzarni ma'muriy javobgarlikdan ozod qilish to'g'risidagi yoki yengilroq ma'muriy jazo chorasini qo'llash haqidagi taqdimnomada shaxsning ma'muriy javobgarlikdan ozod qilinishi yoki unga nisbatan yengilroq ma'muriy jazo chorasi qo'llash kerakligining sabablari va asoslari bayon etiladi.

Sud huquqbuzarlikning kam ahamiyatliligi sababli huquqbuzarni ma'muriy javobgarlikdan ozod qilish to'g'risidagi yoki yengilroq ma'muriy jazo chorasini qo'llash haqidagi taqdimnomani ko'rib chiqib, ushbu Kodeksning [310-moddasida](#) nazarda tutilgan qarorlardan birini chiqaradi.

Huquqbuzarlikning kam ahamiyatliligi sababli huquqbuzarni ma'muriy javobgarlikdan ozod qilish to'g'risidagi yoki yengilroq ma'muriy jazo chorasini qo'llash haqidagi taqdimnoma ma'muriy huquqbuzarlik to'g'risidagi ish sudga kelib tushgan kundan e'tiboran uch sutka ichida ushbu Kodeksning [303](#), [304](#), [306—309](#)-moddalarida nazarda tutilgan umumiy qoidalarga rioya etilgan holda ko'rib chiqiladi

(308¹-modda O'zbekiston Respublikasining 2011-yil 26-apreldagi O'RQ-289-sonli Qonuni bilan kiritilgan — O'R QHT, 2011-y., 17-son, 168-modda)

309-modda. Ma'muriy huquqbuzarlik to'g'risidagi ish yuzasidan chiqarilgan qaror

Organ (mansabdor shaxs) ma'muriy huquqbuzarlik to'g'risidagi ishni ko'rib chiqib, shu ish yuzasidan qaror chiqaradi.

Qarorda quyidagilar ko'rsatilgan bo'lishi kerak: qaror chiqargan organning (mansabdor shaxsning) nomi; ish ko'rib chiqilgan sana; ishi ko'rib chiqilayotgan shaxs xususidagi ma'lumotlar; ishni ko'rib chiqish paytida aniqlangan holatlarning bayoni; mazkur ma'muriy huquqbuzarlik uchun javobgarlikni nazarda tutuvchi normativ hujjat; ish yuzasidan qabul qilingan qaror.

Ushbu Kodeksning 308¹-moddasida nazarda tutilgan hollarda qarorda huquqbuzarlikning kam ahamiyatligi sababli huquqbuzarni ma'muriy javobgarlikdan ozod qilish to'g'risidagi yoki yengilroq ma'muriy jazo chorasini qo'llash haqidagi taqdimnomani qanoatlantirish yoki qanoatlantirishni rad etish haqidagi to'xtam ham ko'rsatilishi kerak

(309-modda O'zbekiston Respublikasining 2011-yil 26-apreldagi O'RQ-289-sonli Qonuniga muvofiq uchinchi qism bilan to'ldirilgan — O'R QHT, 2011-y., 17-son, 168-modda)

Basharti ma'muriy huquqbuzarlik uchun ushbu Kodeks 242-moddasining 1 va 3-bandlarida ko'rsatib o'tilgan organlar (mansabdor shaxslar) tomonidan ma'muriy jazoni qo'llanish

to'g'risidagi masalani hal qilish paytida aybdordan yetkazilgan mulkiy zararni undirib olish masalasi ham hal etiladigan bo'lsa, ish yuzasidan chiqarilgan qarorda undirib olinishi lozim bo'lgan shu zararning miqdori, uni undirib olish muddati va tartibi ko'rsatiladi.

(309-moddaning to'rtinchi qismi O'zbekiston Respublikasining 2014-yil 20-yanvardagi O'RQ-365-sonli Qonuni tahririda — O'R QHT, 2014-y., 4-son, 45-modda)

Ish yuzasidan chiqarilgan qarorda olib qo'yilgan ashyolar va hujjatlar, shuningdek ushlab turilgan transport vositalari to'g'risidagi masala ham hal etilgan bo'lishi lozim.

Qaror majlisda ishtirok etayotgan kollegial organ a'zolarining oddiy ko'pchilik ovozi bilan qabul qilinadi.

Ma'muriy huquqbuzarlik to'g'risidagi ish yuzasidan chiqarilgan qaror mansabdor shaxs tomonidan, organning qarori — majlisda raislik qiluvchi va kotib tomonidan imzolanadi.

Ma'muriy huquqbuzarliklar to'g'risidagi ish bo'yicha qaror axborot tizimi orqali elektron hujjat tarzida chiqarilishi va ijro etish uchun yuborilishi mumkin.

(309-modda O'zbekiston Respublikasining 2019-yil 24-dekabrdagi O'RQ-597-sonli Qonuniga asosan sakkizinchi qism bilan to'ldirilgan — Qonun hujjatlari ma'lumotlari milliy bazasi, 25.12.2019-y., 03/19/597/4193-son)

Qonun hujjatlarida nazarda tutilgan hollarda jazo qo'llanilganligi to'g'risida ma'muriy huquqbuzarlik haqidagi bayonnomaga tegishli yozuv yozib qo'yiladi.

Qarang: O‘zbekiston Respublikasi Oliy sudi Plenumining 2018-yil 30-noyabrdagi 35-son “Sudlar tomonidan ma‘muriy huquqbuzarlik to‘g‘risidagi ishlarni ko‘rishni tartibga soluvchi qonunlarni qo‘llashning ayrim masalalari to‘g‘risida”gi Qarorining 27-bandi.

309¹-modda. Maxsus avtomatlashtirilgan foto va video qayd etish texnika vositalari orqali yo‘l harakati qoidalarini buzilganligi qayd etilgan hollarda jarima solish to‘g‘risidagi qaror

Maxsus avtomatlashtirilgan foto va video qayd etish texnika vositalari orqali qayd etilgan yo‘l harakati qoidalarini buzilganligi bo‘yicha jarima solish to‘g‘risidagi qaror ma‘muriy huquqbuzarlik sodir etgan shaxsning ishtirokisiz chiqariladi.

Jarima solish to‘g‘risidagi qaror maxsus avtomatlashtirilgan foto va video qayd etish texnika vositalari qo‘llanilgan holda olingan materiallar ilova qilinib, yuridik kuchga ega bo‘lgan elektron hujjat shaklida rasmiylashtiriladi hamda ushbu hujjatni tuzgan vakolatli shaxsning elektron raqamli imzosi bilan tasdiqlanadi.

Jarima solish to‘g‘risidagi qarorning ko‘chirma nusxasi maxsus avtomatlashtirilgan foto va video qayd etish texnika vositalari qo‘llanilgan holda olingan materiallar ilova qilinib, elektron hujjatni qog‘ozdagi hujjatga aylantirish yo‘li bilan tayyorlanadi hamda mazkur qaror chiqarilgan kundan e‘tiboran uch kun ichida buyurtma pochta jo‘natmasi tarzida huquqbuzarga yuboriladi.

Jarima solish to‘g‘risidagi qarorda quyidagilar ko‘rsatilgan bo‘lishi kerak: qaror chiqarilgan sana va joy; uni chiqargan organning nomi, shaxsning lavozimi va familiyasi; ma‘muriy javobgarlikka tortilayotgan shaxs to‘g‘risidagi ma‘lumotlar; ma‘muriy huquqbuzarlik sodir etilgan vaqt, joy va holatlar ushbu

Kodeks Maxsus qismining mazkur huquqbuzarlik uchun javobgarlikni nazarda tutuvchi moddasi, moddasining qismi ko'rsatilgan holda; maxsus avtomatlashtirilgan foto va video qayd etish texnika vositalari orqali qayd etilgan transport vositasining huquqbuzarlik sodir etilgan paytdagi davlat raqam belgisi bilan tushirilgan tasviri; qabul qilingan qaror, tayinlangan jarimani to'lash tartibi va muddatlari, ma'muriy javobgarlikka tortilayotgan shaxsning huquq va majburiyatlari, shuningdek jarima solish to'g'risidagi qaror xususida shikoyat berishning protsessual tartibi.

(309^l-modda O'zbekiston Respublikasining 2015-yil 10-avgustdagi O'RQ-389-sonli Qonuniga asosan kiritilgan — O'R QHT, 2015-y., 32-son, 425-modda)

Qarang: O'zbekiston Respublikasi Oliy sudi Plenumining 2018-yil 30-noyabrdagi 35-son "Sudlar tomonidan ma'muriy huquqbuzarlik to'g'risidagi ishlarni ko'rishni tartibga soluvchi qonunlarni qo'llashning ayrim masalalari to'g'risida"gi Qarorining 14-bandi.

310-modda. Ma'muriy huquqbuzarlik to'g'risidagi ish yuzasidan chiqarilgan qarorning turlari

Organ (mansabdor shaxs) ma'muriy huquqbuzarlik to'g'risidagi ishni ko'rib chiqib, quyidagi qarorlardan birini qabul qiladi:

- 1) ma'muriy jazo qo'llanish to'g'risida;
- 2) ishni yuritishni tugatish to'g'risida.

Ishni yuritishni tugatish to'g'risidagi qaror ushbu Kodeksning [271-moddasida](#) nazarda tutilgan holatlar mavjud bo'lgan taqdirda chiqariladi.

(310-moddaning ikkinchi qismi O'zbekiston Respublikasining 2011-yil 26-apreldagi O'RQ-289-sonli [Qonuni](#) tahririda — O'R QHT, 2011-y., 17-son, 168-modda)

Sud tomonidan ishni yuritishni tugatish to'g'risidagi qaror ogohlantirish e'lon qilinganda ham chiqariladi.

(310-modda O'zbekiston Respublikasining 2011-yil 26-apreldagi O'RQ-289-sonli [Qonuniga](#) muvofiq uchinchi qism bilan to'ldirilgan — O'R QHT, 2011-y., 17-son, 168-modda)

311-modda. Ma'muriy huquqbuzarlik to'g'risidagi ish yuzasidan chiqarilgan qarorni e'lon qilish va uning nusxasini berish

Ma'muriy huquqbuzarlik to'g'risidagi ish yuzasidan chiqarilgan qaror ishni ko'rib chiqish tugashi bilanoq darhol e'lon qilinadi va u chiqarilgan paytdan e'tiboran qonuniy kuchga kiradi.

(311-moddaning birinchi qismi O'zbekiston Respublikasining 2018-yil 29-yanvardagi O'RQ-463-sonli [Qonuni](#) tahririda — Qonun hujjatlari ma'lumotlari milliy bazasi, 30.01.2018-y., 03/18/463/0634-son — 2018-yil 1-apreldan kuchga kiradi)

Qarorning nusxasi uch kun ichida ustidan shu qaror chiqarilgan shaxsga, shuningdek o'zining iltimosiga ko'ra jabrlanuvchiga topshiriladi yoki jo'natiladi.

Qarorning nusxasi tilxat bilan beriladi, basharti qarorning nusxasi jo'natilsa, bu haqda ishga tegishli yozuv yozib qo'yiladi.

O‘qotar qurollar, shuningdek o‘q-dorilar xizmat vazifalarini bajarishi munosabati bilan ishonib topshirilgan yoki korxona, muassasa, tashkilot tomonidan vaqtincha foydalanish uchun berilgan shaxslarga nisbatan ushbu Kodeksning [185-moddasida](#), 220-moddasi [birinchi](#) va [ikkinchi](#) qismlarida nazarda tutilgan ma‘muriy huquqbuzarliklar to‘g‘risidagi ishlar yuzasidan chiqarilgan qarorning nusxasi ma‘lumot uchun tegishli korxona, muassasa yoki tashkilotga, mazkur shaxsning o‘qotar quroldan foydalanishini taqiqlash masalasini ko‘rib chiqish uchun esa ichki ishlar organiga yuboriladi.

312-modda. Ma‘muriy jazo qo‘llanish to‘g‘risidagi qarorni korxona, muassasa, tashkilot va mansabdor shaxslar e‘tiboriga yetkazish

Ushbu Kodeksning [61](#), [131](#), [140](#), [183](#), [187](#), [233](#), [237-moddalarida](#) nazarda tutilgan ma‘muriy huquqbuzarliklar to‘g‘risidagi ishlarni ko‘rib chiquvchi organ (mansabdor shaxs) huquqbuzarga nisbatan ma‘muriy jazo qo‘llanish haqida chiqarilgan qarorni shu huquqbuzar ishlab yoki o‘qib turgan joydagi ma‘muriyat e‘tiboriga yetkazadi.

Ma‘muriy huquqbuzarliklar to‘g‘risidagi ishni ko‘rib chiquvchi organ (mansabdor shaxs) qabul qilingan qaror to‘g‘risida ma‘muriy huquqbuzarlik to‘g‘risida bayonnoma tuzgan mansabdor shaxsning e‘tiboriga yetkazadi.

313-modda. Ma‘muriy huquqbuzarliklar sodir etish sabablari va ularga olib kelgan shart-sharoitni bartaraf etish to‘g‘risidagi taqdimnoma

Ishni ko‘rib chiquvchi organ (mansabdor shaxs) ma‘muriy huquqbuzarliklar sodir etish sabablari va ularga olib kelgan shart-sharoitlarni aniqlaganda bu sabablar va shart-sharoitlarni

bartaraf qilish yuzasidan choralar ko‘rish to‘g‘risidagi taqdimnomani tegishli korxona, muassasa, tashkilot rahbariga kiritadi. Rahbar taqdim kelib tushgan kundan boshlab bir oy ichida uni kiritgan organga (mansabdor shaxsga) ko‘rilgan choralar haqida ma’lum qilishi shart.

Qarang: O‘zbekiston Respublikasi Oliy sudi Plenumining 2018-yil 30-noyabrdagi 35-son “Sudlar tomonidan ma’muriy huquqbuzarlik to‘g‘risidagi ishlarni ko‘rishni tartibga soluvchi qonunlarni qo‘llashning ayrim masalalari to‘g‘risida”gi Qarorining 13-bandi.